



Isu Nafkah Untuk Ibu Tunggal Dan Anak Yatim Menurut Syarak

MOHAMMAD DHIYA'UL HAFIDH BIN FATAH YASIN

RAUDLOTUL FIRDAUS BINTI FATAH YASIN

﴿فَأَمَّا الْإِنْسَانُ إِذَا مَا ابْتَلَاهُ رَبُّهُ فَأَكْرَمَهُ وَنَعَّمَهُ فَيَقُولُ رَبِّي أَكْرَمَنِ
(١٥) وَأَمَّا إِذَا مَا ابْتَلَاهُ فَقَدَرَ عَلَيْهِ رِزْقَهُ فَيَقُولُ رَبِّي أَهَانَنِ (١٦)
كَلَّا بَلْ لَا تُكْرِمُونَ الْيَتِيمَ (١٧) وَلَا تَحَاضُّونَ عَلَى طَعَامِ الْمِسْكِينِ
(١٨) وَتَأْكُلُونَ الثَّرَاثَ أَكْلًا لَمًّا (١٩) وَتُحِبُّونَ الْمَالَ حُبًّا جَمًّا﴾
[الفجر: ١٥-٢٠]

AYAT PERTAMA TENTANG ISU NAFKAH IBU TUNGGAL DAN ANAK
YATIM

MASALAH KAJIAN

Dalam institusi berkeluarga, suami dan ayah menjadi ketua keluarga yang menafkahi, walaupun telah berlaku perceraian antara suami dan isteri dalam pasangan tersebut, lelaki tersebut tetap dipertanggungjawabkan untuk menafkahi anak walaupun tiada dalam jagaannya.

Namun persoalan timbul, bagaimana sekiranya lelaki tersebut meninggal dunia? Fenomena yang berlaku ialah wanita tersebut yang terpaksa menyediakan *kafalah* selain *hadhanah* secara bersendirian sehingga timbul istilah ibu tunggal.

Adakah ia fenomena lumrah atau masalah dalam masyarakat? Adakah syariat Islam mempunyai garis panduan tentang ini? Artikel ini bertujuan untuk mengkaji permasalahan ini dengan lebih mendalam menurut perspektif syariat Islam.

DEFINISI ANAK YATIM

Menurut Ibn Manzur (1986, 12/645):

- *Yatim* dan kata asalnya *yutm* bermaksud tunggal atau bersendirian.
- *Yatman* pula ialah kanak-kanak yang belum mencapai usia baligh.
- *Yatm* pula bermaksud kesedihan.

Kesimpulan: Yatim bererti anak berusia kecil yang terpaksa bersendirian dalam kesedihan.

Dalam penggunaan umum, perkataan yatim untuk manusia digunakan untuk 'anak yang kehilangan ayah', manakala bagi haiwan ianya digunakan untuk membawa maksud 'anak yang kehilangan ibu'.

-
- anak 'manusia' yang kematian ibu, ia disebut sebagai *al-'ajiy*
 - *yang kematian kedua-dua ibunya, ia disebut sebagai al-latim*

Al-'ajiy itu sendiri asalnya bermaksud yang cacat. Justeru anak kematian ibu dinamakan sebagai *al-'ajiy* kerana dia tidak sempurna, tidak mendapat susu ibunya dan terpaksa meminta-minta daripada yang lain.

Al-latim pula daripada *latama* bermaksud menampar muka atau anggota tubuh lain dengan tapak tangan.

Dari segi syarak:

Anak yang kematian ayahnya sebelum sampai usia baligh. (Kementerian Wakaf Kuwait 2006, 2/99)

Baligh pula ditentukan dengan:

1. Mimpi
2. Umur
 - Abu Hanifah dan Malikiyyah: 18 tahun.
 - Hanafiyyah, Syafi'iyyah dan Hanabilah: 15 tahun

Adapun di Malaysia, kerajaan telah menetapkan umur 18 sebagai had umur kanak-kanak secara umum yang diambil dari had umur yang ditetapkan oleh World Health Organisation (WHO).

DEFINISI IBU TUNGGAL

Sebahagian pengkaji seperti Nurhidayah dan Zuliza (2016) memilih istilah *armalah* yang diguna dalam hadis

«السَّاعِي عَلَى الْأَرْمَلَةِ وَالْمِسْكِينِ، كَالْمُجَاهِدِ فِي سَبِيلِ اللَّهِ» [البخاري، كتاب النفقات، باب فضل النفقة على الأهل، حديث ٥٣٥٣؛ مسلم، كتاب الزهد والرقائق، باب الإحسان إلى الأرملة والمسكين واليتيم، حديث ٢٩٤٢، كلاهما عن أبي هريرة]

Namun maksud asal *armalah* dalam Bahasa Arab secara literalnya ialah “lelaki dan wanita yang miskin, memerlukan dan lemah” (al-Fairuz Abadi 2005, 1008),

Walaupun dari segi penggunaan ia lebih untuk wanita yang tidak berkahwin, balu, janda atau dara, *armal* juga diguna untuk lelaki dalam situasi serupa. (Al-Razi 1999, 129).

Pengkaji berpendapat, ia patut dikaitkan dengan istilah *kafilah al-yatim* yang seiring dengan *kafil al-yatim* jika penanggung itu lelaki, sepertimana disebutkan dalam hadis Sahl bin Sa'd yang meriwayatkan,

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ «وَأَنَا وَكَافِلُ الْيَتِيمِ فِي الْجَنَّةِ هَكَذَا» وَقَالَ بِإِصْبَعِهِ السَّبَّابَةِ وَالْوُسْطَى
[البخاري، كتاب الأدب، باب فضل من يعول يتيما، حديث ٦٠٠٥]

Kerana:

1. Berdasarkan apa yang berlaku mutakhir ini dimana ibu tunggal terpaksa menanggung nafkah anak yatim.
2. Lebih memartabatkan wanita tersebut
3. Menyelaraskan pemahaman dengan perbahasan dari sudut selain agama

Kementerian Pembangunan Wanita, Keluarga dan Masyarakat sejak 3 Jun 2015 mengatakan ibu tunggal ialah wanita yang memiliki salah satu daripada tiga kriteria berikut:

1. Wanita yang bercerai dan mempunyai anak,
2. Wanita yang masih bersuami tetapi suami ditimpa penyakit teruk sehingga wanita tersebut terpaksa menanggung keluarga, dan
3. Wanita yang belum berkahwin tetapi mempunyai anak angkat atau anak tidak sah taraf. (Rem Ramzi, 2015).

Ciri-ciri ini adalah definisi. Namun di situ telah tercicir padanya sebutan satu elemen penting, iaitu **wanita yang kematian suami yang lebih terabai sayugia menjadi fokus kajian ini.**

Dari sudut yang lain, keciciran ini sebenarnya dalam masa yang sama menguatkan kenyataan bahwa wanita-wanita yang menjadi ibu tunggal kerana kematian suami, tidak mendapat perhatian sebaik wanita yang dicerai.

PENAFKAH ANAK YATIM

قوله ﷻ وَالْوَالِدَاتُ يُرْضِعْنَ أَوْلَادَهُنَّ حَوْلَيْنِ كَامِلَيْنِ لِمَنْ أَرَادَ أَنْ يُتِمَّ الرَّضَاعَةَ وَعَلَى الْمَوْلُودِ لَهُ رِزْقُهُنَّ وَكِسْوَتُهُنَّ بِالْمَعْرُوفِ لَا تُكَلَّفُ نَفْسٌ إِلَّا وُسْعَهَا لَا تُضَارَّ وَالِدَةُ بَوْلِدِهَا وَلَا مَوْلُودٌ لَهُ بِوَلَدِهِ وَعَلَى الْوَارِثِ مِثْلُ ذَلِكَ فَإِنْ أَرَادَا فِصَالًا عَنْ تَرَاضٍ مِنْهُمَا وَتَشَاوُرٍ فَلَا جُنَاحَ عَلَيْهِمَا وَإِنْ أَرَدْتُمْ أَنْ تَسْتَرْضِعُوا أَوْلَادَكُمْ فَلَا جُنَاحَ عَلَيْكُمْ إِذَا سَلَّمْتُمْ مَا آتَيْتُمْ بِالْمَعْرُوفِ وَاتَّقُوا اللَّهَ وَاعْلَمُوا أَنَّ اللَّهَ بِمَا تَعْمَلُونَ بَصِيرٌ ﴿٢٣٣﴾ [البقرة: ٢٣٣]

Kementerian Wakaf Kuwait (2006) menyenarai pihak-pihak yang bertanggungjawab menafkah seseorang menurut pendapat mazhab seperti berikut:

1. Hanafiah: Semua lelaki yang menjadi mahram menurut turutan *asabah*. Adapun yang bukan mahram seperti sepupu, maka tidak, walaupun dia merupakan ahli *asabah*.
2. Malikiyyah: Ayah dan anak yang secara langsung sahaja.
3. Syafi'iyyah: *Ubuwwah* dan *bunuwwah*.
4. Hanabilah: Semua lelaki yang mewarisinya dengan turutan *faraid* atau *asabah*.

Jika tiada, Ulil Amr.

Di Malaysia, ulil amr melalui Jabatan Kebajikan Masyarakat (JKM) sejak 2016 memperuntuk bantuan kepada keluarga ibu tunggal bernilai RM100 sebulan untuk seorang anak berusia 18 tahun ke bawah dengan jumlah maksimum RM450 sebulan untuk sekeluarga.

Namun, jika anak tersebut dijaga di rumah kebajikan atau keluarga angkat, bantuan diberi bernilai RM250 seorang dengan maksimum RM500 untuk dua anak dan ke atas. Bantuan ini dinamakan Bantuan Kanak-Kanak atau BKK. (JKM, n.d.).

Selain itu, terdapat juga bantuan daripada pihak negeri, terutama Majlis Agama Islam, tetapi masing-masing dengan kadar sendiri. (Amin Don, 2017).

Namun, kerajaan sebenarnya tidak mempunyai dasar khusus kepada anak yatim. Sebaliknya, mereka digolongkan dalam kelompok kanak-kanak yang termaktub dalam Akta Kanak-Kanak 2001 dimana semua yang berusia 18 tahun ke bawah tertakluk kepada akta ini.

Syarat untuk menerima BKK ialah:

1. Berumur 18 tahun ke bawah;
2. Perlu meneruskan persekolahan;
3. Yatim/ yatim piatu atau mempunyai ibubapa / penjaga yang tidak berkemampuan atau putus mata pencarian kerana uzur, cacat, berpenyakit atau tanggungan banduan atau pusat tahanan.

Di sini jelas kelihatan bahawa status anak yatim sahaja tidak melayakkan seseorang itu mendapatkan bantuan. Ini kerana boleh jadi penjaganya kaya, atau dia sendiri kaya kerana mendapat harta warisan yang banyak. Pada masa kini, tidak sedikit kanak-kanak yang telah mempunyai perniagaan yang berjaya.

Dalam situasi ini, mereka yang mempunyai kedua-dua ibu bapa tetapi miskin lebih memerlukan. Jika dilihat dari sudut syariat, anak yatim memang tidak tergolong dalam lapan asnaf yang layak menerima zakat yang disebut dalam firman Allah,

﴿إِنَّمَا الصَّدَقَاتُ لِلْفُقَرَاءِ وَالْمَسَاكِينِ وَالْعَامِلِينَ عَلَيْهَا وَالْمُؤَلَّفَةِ قُلُوبُهُمْ وَفِي الرِّقَابِ وَالْغَارِمِينَ وَفِي سَبِيلِ اللَّهِ
وَابْنِ السَّبِيلِ﴾ [التوبة: ٦٠]

SYARAT ANAK YATIM UNTUK MENERIMA NAFKAH

MAZHAB	MISKIN	BELUM BALIGH	MERDEKA	EKONOMI PENAFKAH KUKUH
HANAFI	/	/	/	x
		Kecuali: i. Anak tersebut lelaki atau wanita menjadi penuntut ilmu sepanjang masa, atau ii. Anak perempuan sehingga berkahwin		
MALIKI	/	/	/	/
		- Atau tidak berakal - atau belum mampu bekerja		
SYAFIE	/	/	/	x
HANBALI	/	x	/	x
		belum mampu bekerja		

NAFKAH IBU TUNGGAL (JANDA/BALU)

Dalil:

قوله ﷺ ﴿الرِّجَالُ قَوَّامُونَ عَلَى النِّسَاءِ بِمَا فَضَّلَ اللَّهُ بَعْضَهُمْ عَلَى بَعْضٍ وَبِمَا أَنْفَقُوا مِنْ أَمْوَالِهِمْ...﴾ [النساء: ٣٤]

Nabi SAW mengambil alih semula tanggungjawab menjaga anak-anak permpuannya yang menjadi janda/balu iaitu Zainab, Ruqayyah dan Ummu Kalthum.

Begitu juga dengan Umar bin al-Khattab terhadap anaknya Hafsah.

Dalam situasi lain, apabila Fatimah binti Qais menjanda dan tidak mempunyai tempat tinggal, Nabi SAW menempatkannya di rumah Ibn Ummi Maktum sehingga dia bernikah dengan Usamah bin Zaid (Muslim, hadis no 1480). Fatimah ditempatkan di sana kerana beliau tidak mempunyai wali lain selain wali hakim.

Pendapat ulama':

- Jika janda/balu itu mampu, maka nafkahnya atas dirinya sendiri. Jika tidak, maka ia kembali kepada walinya sehingga:

- ❖ Hanafi: sehingga dia baligh, atau mampu bekerja atau berkahwin
- ❖ Maliki: sehingga dia baligh atau mampu bekerja atau berkahwin
- ❖ Syafie: sehingga dia baligh atau berkahwin
- ❖ Hanbali: sehingga dia baligh atau mampu bekerja atau berkahwin

BANTUAN MASYARAKAT

قَالَ صَلَّى اللَّهُ عَلَيْهِ وَسَلَّمَ «وَأَنَا وَكَافِلُ الْيَتِيمِ فِي الْجَنَّةِ هَكَذَا» وَقَالَ بِإِصْبَعَيْهِ السَّبَّابَةِ وَالْوُسْطَى [البخاري، كتاب الأدب، باب فضل من يعول يتيما، حديث ٦٠٠٥]

قال مجاهد: ﴿وَإِنْ خِفْتُمْ أَلَّا تُقْسِطُوا فِي الْيَتَامَى فَانكِحُوا مَا طَابَ لَكُمْ مِنَ النِّسَاءِ مَثْنَى وَثُلَاثَ وَرُبَاعَ فَإِنْ خِفْتُمْ أَلَّا تَعْدِلُوا فَوَاحِدَةً أَوْ مَا مَلَكَتْ أَيْمَانُكُمْ ذَلِكَ أَدْنَى أَلَّا تَعُولُوا﴾ [النساء: ٣]
عَنِ الْحُسَيْنِ: مَا هِيَ لَكُمْ مِنْ نِسَائِكُمْ مِنْ قَرَابَتِكُمْ [ابن أبي حاتم، ١٩٩٨، ٣/٨٥٨]

RUMUSAN DAN CADANGAN

Usaha perlu dilakukan agar golongan ini terbela, disamping menunjukkan keindahan dan kesyumulan Islam ini sendiri. Ia memerlukan dua peringkat, iaitu memberi kesedaran kepada masyarakat, dan seterusnya penguatkuasaan undang-undang yang melindungi hak ibu tunggal dan anak yatim.

Justeru kertas kerja ini mencadangkan agar:

1. Di dalam khutbah nikah, perkara ini turut disentuh. Ertinya, nasihat tidak semata-mata dituju kepada mempelai, tetapi juga kepada wali, waris dan sekalian kaum kerabat serta sahabat handai yang datang.
2. Sebelum itu, di dalam kursus perkahwinan, perkara yang sama perlu disampaikan bahkan secara lebih terperinci.

-
3. Sekali-sekala dijadikan tajuk khutbah Jumaat, selain tajuk ceramah, forum, seminar, kolokium dan sebagainya.
 4. Dijadikan akta agar sebagaimana ibu tunggal yang diceraikan suami boleh mendapat perintah mahkamah agar si suami tetap membayar nafkah anak-anak, maka si ibu tunggal tersebut juga boleh mendapatkan perintah yang serupa ke atas keluarga lelaki tersebut.
 5. Boleh dijadikan peraturan juga untuk wang insuran, KWSP, Amanahraya dan semua agensi terlibat dengan harta warisan agar wang kepada waris tidak dilepas sehingga kepentingan anak yatim dapat dipastikan telah dilindungi.

والله أعلم بالصواب

والسلام عليكم ورحمة الله وبركاته